



Služba za privredu  
Broj:02/1-3-19-3593-1/21  
Breza, 13.12.2021. godine

## Stručna služba Općinskog vijeća i Općinskog načelnika

**Predmet:** Odgovor na vijećničko pitanje-dostavlja se

Poštovani,

Na osnovu člana 24. Statuta Općine Breza („Službeni glasnik Općine Breza“, broj:7/21) i Poslovnika o radu Općinskog vijeća („Službene novine Općine Breza“, broj:12/21), na 13. redovnoj sjednici Općinskog vijeća vijećnik Čamil Buljetović je postavio pitanje koje se odnosi na mjerenje kvaliteta zraka na području općine Breza, odnosno „kada je planirano organizovati mjerenje kvaliteta zraka na području općine Breza“?

Laboratorija za mjerenje zagađenosti okoline Zavoda za zaštitu i ekologiju Instituta „Kemal Kapetanović“ Univerziteta u Zenici ima predviđenu dinamiku i metodologiju mjerenja općina Zeničko-dobojskog kantona. Trenutno je mjerna stanica u Tešnju. U kontaktu sa predstavnicima Laboratorije isti su dali usmenu saglasnost da će mjerenje kvaliteta zraka u Brezi biti instalirana u februaru 2022. godine.

U tom smislu, Služba za privredu općine Breza je uputila zahtjeve Ministarstvu za prostorno uređenje Zeničko-dobojskog kantona i Zavodu za zaštitu i ekologiju Instituta „Kemal Kapetanović Zenica“ da se mjerna stanica instalira u Brezi u februaru 2022. godine, te se nadamo da će biti ispoštovan taj termin.

S poštovanjem,

Obrađivač: Nermin Čosić

Dostavljeno  
1 x Naslov  
1 x a/a

Pomoćnik načelnika

Salih Hasanspahić



Služba za privredu  
Broj:02/1-3-19-3593-2/21  
Breza, 13.12.2021. godine

**Ministarstvo za prostorno uređenje Zeničko-dobojskog kantona  
Kučukovići 2  
Zenica**

**Predmet:** Molba za saglasnost-dostavlja se

Poštovani,

Zbog problema zagađenosti zraka na području općine Breza, molimo Vas da nam date saglasnost na instaliranje mobilne mjerne stanice Laboratorije za mjerenje zagađenosti okoline Zavoda za zaštitu i ekologiju Instituta „Kemal Kapetanović“ Univerziteta u Zenici, na području općine Breza u februaru 2022. godine. U kontaktu sa predstavnicima Laboratorije isti su dali usmenu saglasnost da će mjerenje kvaliteta zraka u Brezi biti instalirana u navedenom terminu s tim da je neophodna Vaša saglasnost.

Nadamo se da će nam Ministarstvo izaći u susret i dati saglasnost na instaliranje mobilne mjerne stanice na području općine Breza u navedenom terminu jer imamo upite vijećnika općinskog vijeća Brza o kvalitetu zraka u zimskim uslovima kada je aktivno mnogo sekundarnih ložišta na uglj.

S poštovanjem,

Obrađivač: Nermin Čosić

Dostavljeno  
1 x Naslov  
1 x a/a

Pomoćnik načelnika

Salih Hasanspahić



Služba za privredu  
Broj:02/1-3-19-3593-3/21  
Breza, 13.12.2021. godine

**Institut „Kemal Kapetanović“  
Zavod za zaštitu i ekologiju  
-Laboratorij za mjerenje zagađenosti zraka-  
Ul. Travnička 7  
72 000 Zenica**

**Predmet:** Molba za saglasnost-dostavlja se

Poštovani,

Zbog problema zagađenosti zraka na području općine Breza, molimo Vas da nam date saglasnost na instaliranje mobilne mjerne stanice Laboratorije za mjerenje zagađenosti okoline Zavoda za zaštitu i ekologiju Instituta „Kemal Kapetanović“ Univerziteta u Zenici, na području općine Breza u februaru 2022. godine. U kontaktu sa predstavnicima Laboratorije isti su dali usmenu saglasnost da će mjerenje kvaliteta zraka u Brezi biti instalirana u navedenom terminu s tim da je neophodna Vaša saglasnost.

Nadamo se da će nam Zavod izaći u susret i dati saglasnost na instaliranje mobilne mjerne stanice na području općine Breza u navedenom terminu jer imamo upite viječnika općinskog vijeća Brza o kvalitetu zraka u zimskim uslovima kada je aktivno mnogo sekundarnih ložišta na uglj.

S poštovanjem,

Obrađivač: Nermin Čosić

Dostavljeno  
1 x Naslov  
1 x a/a

Pomoćnik načelnika

\_\_\_\_\_  
Salih Hasanspahić



Služba za privredu  
Broj: 02/1-8-19-3590/21  
Breza, 20.12.2021. godine

**OPĆINSKO VIJEĆE BREZA**  
**- SLUŽBA OPĆINSKOG VIJEĆA -**

Predmet: Odgovor na postavljeno vijećničko pitanje

U okviru vijećničkih pitanja na sjednici Općinskog vijeća Breza koja je održana dana 02.12.2021. godine, vijećnik Abadžija Nedim je postavio vijećničko pitanje koje glasi:

„Na inicijativu građana iz pomenute ulice, ponovo upućujem inicijativu/pitanje da se zamijeni tih 8 rasvjetnih tijela.“

U vezi postavljenog vijećničkog pitanja, dajemo sljedeći odgovor:

Općina Breza i nadležna služba su u prethodnom periodu završile sve aktivnosti koje su se odnosile na postupku javne nabavke za održavanje i proširenje sistema javne rasvjete na području općine Breza. Proveden je postupak javne nabavke, zaprimljene su ponude i izvršena je kvalifikacija istih, proveden je postupak e-aukcije, nakon čega je odabran Izvođač radova. U narednom periodu očekuje se potpisivanja Ugovora, nakon čega će se Izvođač radova uvesti u posao. Predmet provedenog postupka jeste ugradnja 250 led sijalica i 82 led rasvjetna tijela na području općine Breza.

Plan popunjavanja i širenja sistema javne rasvjete, te zamjena dotrajalih rasvjetnih tijela izradit će se i realizirati u skladu sa stvarnim potrebama i podacima sa terena, prisigljih i zaprimljenih kvarova. Jedna od prioritarnijih je i navedena ulica Salke Bešlagića gdje će se izvršiti demontaža dotrajalih reflektorskih tijela i ugradnja novih LED rasvjetnih tijela.

Obrađivač: Amir Muratović

Dostavljeno:  
1 x Naslov  
1 x evidencija  
1 x a/a

Pomoćnik načelnika

Salih Hasanspahić



Služba za privredu

Broj: 02/1-1-20-3592/21  
Breza, 15.12.2021. godine

## **OPĆINSKO VIJEĆE BREZA - SLUŽBA OPĆINSKOG VIJEĆA -**

Predmet : Odgovor na postavljenu vijećničko pitanje

Na sjednici Općinskog vijeća Breza održanoj dana 02.12.2021. godine, u okviru vijećničkih pitanja, vijećnik Mirnes Bašić je pokrenuo vijećničku inicijativu, a koja se odnosi na nabavku manjeg broja laktofriza za građane koji imaju do pet muznih krava.

U vezi predložene inicijative, dajemo sljedeći odgovor:

U skladu sa organizovanim otkupom svježeg kravljeg mlijeka na području općine Breza, javlja se i potreba za nabavkom adekvatnih uređaja za hlađenje i čuvanje mlijeka do krajnje distribucije. U skladu s tim, Općina Breza je kroz Program „Opremanje otkupnih stanica mlijeka”, koji je realizovan u saradnji sa SERDA-om 2008. godine u vlasništvo pribavila devet uređaja za hlađenje i čuvanje mlijeka – laktofriza.

Na terenu postoji opravdana potreba za određenim brojem laktofriza, s obzirom da otkupljivač O.P.Z. „ZE-VIS“ Zenica proširuje svoje djelovanje kako na postojećim mjesnim zajednicama tako i na drugim koje do sada nisu bile pokrivene organizovanim otkupom mlijeka, a takođe postoji i zainteresovanost određenog broja proizvođača za uključivanjem u otkup mlijeka.

Predložena inicijativa je opravdana, a da bi ista bila realizovana, neophodna su i dodatna finansijska sredstva, kroz povećanje budžetske stavke namijenje podsticaju poljoprivredne proizvodnje ili posebnom budžetskom stavkom.

Realizacija bi se izvršila kroz Program „Posticaj poljoprivredne proizvodnje“ za 2022. godinu a dodjela laktofriza na privremeno korištenje, u skladu sa Odlukom o davanju laktofriza na privremeno korištenje, broj: 01/1-02-3180/21 od 28.10.2021. godine, putem javnog poziva.

Obradivač: Almin Operta  
1 x Naslov  
1 x a/a

Pomoćnik načelnika  
Salih Hasanspahić



Služba za privredu  
Broj: 02/1-8-19-3588/21  
Breza, 14.12.2021. godine

**OPĆINSKO VIJEĆE BREZA  
- SLUŽBA OPĆINSKOG VIJEĆA -**

Predmet: Odgovor na postavljeno vijećničko pitanje

U okviru vijećničkih pitanja na sjednici Općinskog vijeća Breza koja je održana dana 02.12.2021.godine, vijećnik Jusić Haris je postavio vijećničko pitanje koje glasi:

„Naime podružnica Trtorići već niz godina pokušava da riješi problem kanalizacije na mjestu od džamije do pod selo i od društvenog doma do pod selo koja je otvorenog tipa i prolazi faktički pored ulaznih vrata mještana i kroz centar sela. Na zahtjev mjesnog odbora podružnice Trtorići pozvan je i sanitarno-komunalni inspektor da sa aspekta struke izda preporuke radi zaštite zdravlja ljudi i životinja kao obavezu lokalne uprave. Molim nadležne službe da ovaj problem uvrsti u svoje prioritete, a mjesni odbor će uputiti pismo namjere na više adresa za pomoć u prevazilaženju ovog problema.“

U vezi postavljenog vijećničkog pitanja, dajemo sljedeći odgovor:

Postojeća kanalizaciona mreža i kanalizaciona infrastruktura u naselju Trtorići je u vlasništvu građana naselja Trtorići. Da bi se pokrenule bilo kakve aktivnosti na reparaciji i sanaciji postojećeg kanalizacionog sistema kao i izvedbi novog kanalizacionog sistema na navedenim dionicama i u samom naselju Trtorići, potrebno je izvršiti prethodne aktivnosti koje se ogledaju u sljedećem: izrada projektno-tehničke dokumentacije, uvrštavanje predmetnog projekta u Planove i programe za naredni period, te dalje aktivnosti na apliciranju i iznalaženju novčanih sredstava za realizaciju istog, izdavanju odobrenja za građenje, izdavanju upotrebne dozvole. Nakon svih gore navedenih aktivnosti potrebno je izvršiti prenos nadležnosti upravljanja kanalizacionim sistemom i isti predati na upravljanje JP „Komunalno“ d.o.o Breza.

Obrađivač: Amir Muratović

Dostavljeno:  
1 x Naslov  
1 x evidencija  
1 x a/a

Pomoćnik načelnika

Salih Hasanspahić



Služba za privredu  
Broj: 02/1-13-23-3589/21  
Breza, 15.12.2021. godine

## **OPĆINSKO VIJEĆE BREZA - SLUŽBA OPĆINSKOG VIJEĆA -**

Predmet: Odgovor na postavljeno vijećničko pitanje

U okviru vijećničkih pitanja na sjednici Općinskog vijeća Breza koja je održana dana 02.12.2021. godine, vijećnik Bašić Mirnes je postavio vijećničku inicijativu, koja se odnosi na potez Bulbulušići- Željeznička pruga, a koja glasi:

„Inicijativa: Za nasipanje dijela makadamskog puta na kome je prisutan veći broj udarnih rupa koje se pune vodom te stvaraju velike probleme kako automobilima tako i pješacima. Mole se nadležni da izađu na teren te utvrde činjenično stanje s nadom što brže reakcije. Hvala!“

U vezi postavljene vijećničke inicijative, dajemo sljedeći odgovor:

Tokom jula 2021.godine izvršeno je tehničko snimanje svih ulaznih parametara ulice Kamenjača, kako bi se izradio Projektni prijedlog sanacije predmetne ulice -radi se o dužini 230,0 m, širine 3,20 m. Isti je kandidovan prema Vladi Federacije Bosne i Hercegovine.

U novembru 2021.godine je takođe izvršeno tehničko snimanje ulice Podkamenjača, spojni dio LC Bulbulušići-Kamenice, dužine 205,0 m i projektovane širine 4,0 m, s obostranim bankinama i proširenjem na spojnoj lepezi.

Izrađena projektna dokumentacija, s pripajanjem prethodno izrađenog projektnog prijedloga sanacije ulice Kamenjača u cjelokupnu projektnu dokumentaciju sa svim tehničkim prilozima i kompletnim predmjerom i predračunom radova potrebnih za sanaciju oba putna pravca (ulica Kamenjača i ulica Podkamenjača), kandidovana je Federalnom ministarstvu poljoprivrede, vodoprivrede i šumarstva – kroz projekat povezivanja poljoprivrednih područja s krajnjim kupcima i centrom grada.

U narednom periodu očekujemo dalje aktivnosti oko realizacije kandidovanog projekta.

Ukoliko se projekat ne odobri, sanacija predmetnog putna pravca će se izvršiti kroz Program redovnog održavanja i zaštite javnih cesta.

Obrađivač: R.Mušanović

Dostavljeno:  
1 x Naslov  
1 x evidencija  
1 x a/a

Pomoćnik načelnika

Salih Hasanspahić



Služba za privredu  
Broj: 02/1-13-23-3591/21  
Breza, 15.12.2021. godine

## **OPĆINSKO VIJEĆE BREZA - SLUŽBA OPĆINSKOG VIJEĆA -**

Predmet: Odgovor na postavljeno vijećničko pitanje

U okviru vijećničkih pitanja na sjednici Općinskog vijeća Breza koja je održana dana 02.12.2021. godine, vijećnik Bašić Mirnes je postavio vijećničko pitanje koje glasi:

„Shodno prije postavljenim pitanjima koja su postavljena na ime postavljanja određenih saobraćajnih znakova, te postavljanja ležećih policajaca moje pitanje glasi: Da li svaki dio općine Breza, te da li svaka inicijativa ima isti tretman u šta itekako sumnjam. U nekim dijelovima prije pomenuta putna infrastruktura se postavlja po volji pojedinaca dok se drugima traži svaki vid saglasnosti.“

U vezi postavljenog vijećničkog pitanja, dajemo sljedeći odgovor:

Objekti za smanjenje brzine kretanja vozila koji su postavljeni u trupu ulica u užem urbanom dijelu grada Breza i prigradskim naseljima postavljeni su u skladu sa Projektom saobraćajne vertikalne signalizacije, grad Breza“, šifra projekta 05-05/18, projektanta „IGA3d“ d.o.o Ilijaš i to u sljedećim ulicama: ulica Salke Bešlagića, Ismeta Šarića, 6 april i u naselju Banjevac od raskrsnice u Banjevcu prema naselju Gornja Breza. Objekti za umirivanje saobraćaja na dionici lokalne ceste zvane „Liješće“ postavljeni na osnovu glavnog projekta izgradnje saobraćajnice kojim je između ostalog bila projektovana i izvedena horizontalna i vertikalna saobraćajna signalizacija.

U skladu s naprijed navedenim projektom i aktivnostima na realizaciji Ugovora o redovnom održavanju lokalnih cesta u ljetnom periodu, vrši se postavljanje i vertikalne saobraćajne signalizacije na ulicama urbanog područja i prigradskih naselja.

Međutim, postoji potreba da se saobraćajni projekat uradi i za lokalne ceste na području Općine Breza i ulice u naseljima gdje postoji uveden sistem ulica. Izrada projekta će se pokrenuti u toku zime, po usvajanju Budžeta Općine Breza za 2022. godinu, na osnovu kojeg će se kroz Program redovnog održavanja cesta u ljetnom periodu planirati saobraćajna signalizacija na prioritnim lokacijama, a koje će se utvrditi zajedno sa uposlenicima Policijske stanice Breza.

Obrađivač: Rašida Mušanović

Dostavljeno:  
1 x Naslov  
1 x evidencija  
1 x a/a

Pomoćnik načelnika

Salih Hasanspahić



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA BREZA  
OPĆINSKO PRAVOBRANILAŠTVO  
Broj: R-50/2021  
Breza, 13.12.2021. godine**

1. Općinski načelnik
2. Općinsko vijeće

**Predmet: Odgovor na vijećničko pitanje**

Na sjednici Općinskog vijeća koja je održana 02.12.2021. godine vijećnik Čamil Buljetović je postavio pitanje koje se odnosi na "dužnost i zastupanje" JP "Veterinarska stanica" d.o.o. Breza. U samom obrascu za postavljanje vijećničkog pitanja stoji "ko je dužan i ko je zastupao Veterinarsku stanicu u tužbi članova Nadzornog odbora..."

Pitanje o zastupanju u konkretnoj pravnoj stvari treba biti postavljeno JP "Veterinarska stanica" d.o.o. Breza.

Pitanje o zastupanju i predstavljanju Javnog preduzeća regulisano je Statutom gore navedenog preduzeća.

Nadležnosti samog pravobranilaštva regulisane su Zakonom o pravobranilaštvu („Službene novine ZE-DO kantona", broj:12/13).

Dostavljeno

2x Naslovu

1x a/a

Općinski pravobranilac

Eldin Mustafić



Služba za privredu  
Broj: 02/1-13-23-3594/21  
Breza, 15.12.2021. godine

## **OPĆINSKO VIJEĆE BREZA - SLUŽBA OPĆINSKOG VIJEĆA -**

Predmet: Odgovor na postavljeno vijećničko pitanje

U okviru vijećničkih pitanja na sjednici Općinskog vijeća Breza koja je održana dana 02.12.2021. godine, vijećnik Čamil Buljetović je postavio vijećničko pitanje koje glasi:

„Prenosim zahtjev građana navedenog naseljenog mjesta o postavljanju ležećih policajaca ispred novootvorene romske kuće u navedenoj ulici.“

U vezi postavljenog vijećničkog pitanja, dajemo sljedeći odgovor:

Pravilnikom o postavljanju posebnih objekata na cesti radi smanjenja brzine kretanja vozila ("Službeni glasnik BiH"; broj 17/07) utvrđene su vrste posebnih objekata na cesti radi smanjenja brzine kretanja vozila, mjesta i način postavljanja posebnih objekata na cesti i pribavljanje odobrenja za postavljanje posebnih objekata.

Sve vrste objekata na cesti za smanjenje brzine kretanja vozila se postavljaju u skladu sa saobraćajnim projektom ili saobraćajnim elaboratom koje mogu raditi privredni subjekti sa ovlaštenjem nadležnog federalnog organa uprave.

Pitanje je, kao i ranije postavljena pitanja i inicijative pokrenute od strane vijećnika i građana u ovom smislu, opravdano i postoji potreba da se u toku zime, po usvajanju Budžeta za 2022. godinu ugovori izrada saobraćajnog projekta usporavanja saobraćaja na lokalnim cestama i ulicama u naseljima u kojima je uveden sistem ulica i da se kroz Program redovnog održavanja lokalnih cesta i ulica, u skladu sa projektom, izvrši postavljanje objekata za smanjenje brzine kretanja vozila na lokalnim cestama i ulicama.

Obrađivač: Edvina Kadrić Velić

Pomoćnik načelnika

Dostavljeno:  
1 x Naslov  
1 x evidencija  
1 x a/a

Salih Hasanspahić